

新
京
備
藥

許元坤題



新京備乘序

予嘗欲搜集稗官野史。鉤稽成編。以補吾國歷史之闕。誠以吾國歷史出于史官。大都迫於時。劫於勢。榮其號。利其祿。忌者諱之。媚者諛之。揚雄美新。陳壽抑蜀。曲筆一時。疑案千載。間有草萊隱居。抱道持正之士。私記見聞。深得當時政治社會之眞狀。如元祕史明野記之類。又往往爲拘守皇成實錄者所擯棄。取材既隘。翔實自難。盡信書不如無書。豈徒武成一篇爲然乎。夫歷史者。人羣進化之跡也。必循其跡。乃達其的。十世可知知以此。百世可知知以此。卽所謂繼往開來之聖。亦莫不以此。遠者無論矣。中山先生。非今日所稱爲開創民國之偉人乎。孰爲之先。不有所謂太平天國乎。天國之政令文教。固多暗合于三民主義也。環顧今日。記載多闕。意者清室最忌漢族。汲汲使人民忘漢。叢爾文字。尙屢興獄。洪氏稱號十三年之久。據地十餘省之多。於其亡也。當然力暴其短。深泯其長。使在歷史上曾不得比於西楚南越。然亦何益乎。有涉廣乃有漢高。有陳張乃有明祖。自然之理也。故予以爲不考太平天國興亡之跡。不能彰中山先生功德之大也。金陵在四十年前。洪氏奠都焉。軼事傳聞。應不隨清兵一炬以盡。原隰周咨。或道其詳。碎金散珠。可錄必多。此有志信史者之責。而予則虛抱此志焉。今夏議法之暇。遇久僑金陵之杜同學靄移。出所訂之新京備乘見示。自言書爲陳君述廬初稿。已則寢饋於斯以修補之。予詳讀一過。見其凡例中。首言注意咸同以降。次言注意于太平天國。

逸事。復按其條文。頗能符其意趣。是真予求之不得。而今始得者。彌歷史之闕。明進化之跡。黨國將有資焉。豈僅山川人物。閭里瑣細。助談料。廣異聞而已乎。蓋二君之用心。固大異于板橋雜誌白下瑣聞諸書也。其爲修史者所重視無疑也。孔子曰。禮失則求諸野。速付梓人。以應求者。予重二君之志。因序而歸之。時爲民國十九年冬至前五日猗氏劉盟訓。

金陵爲八代王者之都。江山雄秀。土膏地腴。人物昌明。風俗醇美。歷代紀載。昭昭可觀。正非僂數能終。顧說者謂江南於中古爲蠻夷域。自泰伯仲雍。始開吳國。文王肇興。而金陵建自楚威王時。乃爲繁雄都會。余則謂有不然。三代以上。惟唐虞疆域最廣。方制萬里。物繁阜。五載一狩。遠涉江淮。且踰嶺表。考諸經傳。金陵之爲大都會。蓋一盛於唐虞夏后氏之際。再盛於殷末周初之際。三盛於春秋吳越之際。至乎楚漢之交。而金陵形勢。已稍稍衰矣。何以言之。禹貢淮海爲揚州。左傳塗山之會。執玉帛者萬國。所謂三江。卽今日長江。所謂震澤。卽今日太湖。所謂厥土惟塗泥。卽今江鎮蘇常沮洳下溼之地皆是。而貢有惟金三品。爲金陵名所由起。昔人云。塗山有會稽之別名。而秣陵號會稽之綰轂。遐想其時。萬邦共球。恆萃斯通。六龍巡幸。嘗道是都。故余謂禹貢所載揚州貢賦山川物產運道。實今日方志之嚆矢。如果蠻夷視之。何能典文備具如是耶。而金陵之盛於唐虞夏后時一可徵矣。周官職方氏。九州之次。始乎揚州。山鎮會稽。澤藪具區。其他三江五湖。皆與今之南京。連壤接畛。金陵居會稽管內。

具區尤一外水可杭。其利金錫竹箭。其民二男三女。其穀宜稻。今金陵之民俗物產。亦曾不出乎此數者。當時文王化及江漢。必亦人物殷闐。而後始有後舞前歌之樂。卽武王衆諸侯。豈有以無土地人民之吳越。而授之宗親帝裔者哉。夫煌煌九宇。獨首揚州。使非素爲重鎮繁區。周公制禮命官。又烏能以江介蠻方。置之皇輿開始。而金陵之盛於殷末初時。二可徵矣。迨春秋之世。楚莊盟吳越而還。其勢自駸駸莫遏。公羊傳遂有許夷狄者不一而足之說。黃池之會。兩霸並書。吳旣爭長中原。越亦以瑯琊爲建都之地。其時金陵在吳爲長岸地。在越爲越城地。見諸方輿紀載。確然無疑。爾日會盟征伐。此邦尤居首衝。而金陵之盛於春秋吳越時。三可徵矣。若夫以項王雄略。不都金陵而都彭城。以漢祖長慮。不都金陵。而都洛陽。都關中。豈非天下之事局日開。有非長江天塹能爲限制者。金陵形勢。自楚漢之交而稍衰。殆亦天時人事。有不得不然者歟。在昔虎踞龍蟠。諸葛武侯推爲帝王之宅。王茂弘亦謂經營四方。必以金陵爲根本。今之建都於此者。固不得不深服其宏識遠略。庸詎知三代而上。金陵已沃衍蕃昌。久爲雄要都會。於以扶景運。展不圖。徵隆古控馭之宏謨。昭然而重光。彼六朝人之詡江南爲佳麗地者。豈非淺之乎視金陵哉。余友陳述猷大令。本政事才。深於掌故之學。頃以與其姍家杜君靄移。合著新京備乘一書見眎。分卷三。爲類念四。采摭繁富。紀述精詳。體裁兼建康實錄。及白下舊聞考二書。尤於闡微幽顯。革故鼎新。三致意焉。非拘拘於歷代史乘者可比。余知此

書之出。將駕建康錄舊聞考而上之。海內風行。無待著龜矣。謹爲略述著書大指。並舉金陵之爲盛域。自皇古而已然。知載籍之有徵。庶幾經邦考古者。兩有取焉。民國二十有一年十月下浣二原王典章幼農甫謹序。

長沙陳述廬先生。以與杜君同輯之新京備乘。屬爲校字既畢。客或問曰。書名新京。何也。答曰。書專紀故上元江甯兩邑之事。黨軍既至。建爲首都故也。曰書名新京矣。而所載詳於近代。至咸同之際。尤不厭言之。而黨國之事轉略焉。何也。曰。黨國草創。其事固應付諸後人。而太平天國者。黨國所以託始也。太平天國。立十三年而後亡。則其政教規模。宜必有可述者。其於黨國。或同或異。或名同而實異。或名異而實同。殷鑒所資。惡得而略也。若夫詳於近代。則荀子法後王之意云爾。曰。如子說。太平天國。旣爲黨國所託始矣。彼湘軍者。實手覆太平天國者也。而是書於曾文正之績。紀之尤詳。何也。曰。嗟乎。陳先生。固湘人也。其先德又身貴於水師。欲使先生抹撥湘軍之績。毀滅文正之名。是固不可。且吾聞今之處高位者。其於文正尤心悅而誠服之。乃至書法之微。亦必仿效焉。則推許文正者。非先生一人之意。實天下所同然也。孔子曰。道並行不相悖。班固曰。物相反而成。先生之意。殆亦如此乎。夫事實者。可徵者也。故是書徧蒐今古而列載之。是非者。無定者也。故是書並舉兩端而按而弗斷焉。旣以答客。遂書其說於書之上方。先生其以爲然乎。其曰。此子一家之言。吾之書。初不如

是乎。請以俟後之讀者。癸酉長至節，貴州陳延韓序。

曩閱坊肆新京備乘。頗採及鄙文。意近賢留心掌故者所爲。惜其甄集未盡也。春初。述廬先生過山館。暢論文藝。並眎先德碑傳。因憶往年曾爲題瞻麓圖。蓋未覲面。而已締文字因緣矣。一昨先生復來盍山。督文序補正備乘。述杜君合纂顛末。又近得史料纂富。補葺如干卷。將再版問世。論微居金陵三十年。先生之僑寄。視論微尤久。顧論微性疏懶。日夕埋身故紙堆中。不暇造請賢士大夫有聞聲。閱數十稔。未嘗通一刺札者。先生不鄙龕陋。不介而過存。抵掌論世事。驪然如舊相識。其因緣之待時而翕耶。論微閱江甯各志。頗病其不備。故書雅記。宜鉤稽排纂者猥多。卽咸同以來。署局案牘。塵封山館者。一一梳櫛而揚摧之。於近世學校。財賦。師船。營壘。祠祀。道路諸大政。因革興替之迹。始燦然可睹。先生勤於譔著。補葺是編。已具基榦。其能從我發蟬蟲之祕。而騰龍虎之輝乎。是尤私心所幸企也。甲戌夏四月鎮江柳詒徵

陳君述廬親翁。幼侍振威公隨宦金陵。壯年以往。服官茲土。遊跡徧江南北。博聞強記。於江蘇地理政教人文風俗。夙所究心。每逢當道有所諮詢。輒慷慨而談。若指掌。若羅胸。若左右逢源。原原而本本。况金陵其所託處。見聞尤稔者耶。曩嘗出其關於金陵故事劄記稿本見眎。囑爲整理而補綴之。復發其所舊藏書。相與考訂。初亦第擬諸白下餘談及瑣言之例耳。積以歲

月。蒐羅倍勤。範圍式廓。參伍錯綜。部居類別。久而後定。以是知著述者。必先兢兢於體例也。顏曰新京備乘。蓋冀夫他日修都邑志者。或有所取裁云。至若編輯旨趣。具詳例言。不復述。是編多出於述廬親歷。故其言較信而可據。夫造屋者必基之固。而後宏結構。治水者必源之清。而後利疏濬。然則茲書之得所憑藉而成。豈非余之所深幸耶。中華民國二十一年五月杜福堃識於首都

迺勳門承蘭錡。代襲芸香。生三湘詞賦之區。比六郡良家之子。一沿官牒。遂至金陵。踰星紀於三周。違鄉關於千里。洵驚棋局。吳語全諳。調鼓雲和。湘絃漸冷。共和二九之歲。鰥生六十之年。初辭徵稅於衫門。十八年夏交卸江蘇第三專稅局務旋卜敝居於湫溢。始治延齡巷宅作尋常之百姓。敢齒烏衣。完

簾閣之三間。粗回白傳。居諸不與。齒髮行衰。長爲土斷之民。轉有斐然之志。若夫某山某水。少尹記其曾經。所見所聞。公羊斷以爲世。山川滿目。盡思古之幽情。謠俗盈前。亦當今之故實。况金陵者。昔元勝地。今號新都。幸遭周公卜食之辰。宜有杜篤論都之作。庶幾輝華文物。斧藻江山。然而自赤烏興霸之年。逮紅羊劫灰而後。六朝三國。早經浪打於前朝。百帝千王。只賸淮邊之舊月。遠之則龍驤木柿。近之則燕子春燈。前則有害絲白馬之祥。後則有紅帕錦纏之異。官書私史。已苦棟充。往事前聞。無難戶曉。若復班鈔馬史。郭竊向書。則庾仲初之賦。謝公必譏以疊牀。左記室之交。陸機或待其覆甕。何勞數典。再事操觚。爾乃荀卿論治

必法後王。孔氏刪書。不存遂古。事近者可鑑。代接者易知。定哀無取乎微詞。秦楚可編爲月表。爰起明清之際。下逮民國之十九年。編錄爲書曰。曰新京備乘。地限於前代上江兩邑。事詳於清室咸同以還。都卜萬言。區念四類。上卷察乎地理。備九能辨說之才。中卷觀乎人文。昭百世興衰之鏡。下卷則黃車小說。青史外編。談助可資。謏聞不棄。大旨詳前人所未及。略往籍所已詳。羣言固在所折衷。微見亦申其蠡管。沂獲麟而託始。愧祭獮以徒勞。書成以呈杜靄簪姻家。借助他山。共商疑義。遂使詩傳大序。毛公專子夏之名。紙貴新文。皇甫益太冲之譽。顧慚菲薄。豈曰當仁。竊惟身本羈孤。家非土箸。說他人之食。飽腹無從。吟吳會之雲。畏人曷極。庾開府之寄懷枯樹。屈靈均之臨睨舊鄉。夢回岳麓峯邊。身老江南春裏。是則披黃圖於三輔。縱極長安陸海之觀。而勒金匱於一家。猶是太史周南之感也。夫述廬陳迺勳自序於南京瞻麓堂。

新京備乘

序



新京備乘例言

一新京舊沿明代，稱爲南京，古名金陵。本書專以金陵爲限，其事例隸舊上江兩縣治者，均在甄錄之列。

一本書除歷史的紀述外，約起自明清之交，迄民國十九年止，於咸同以降較詳，流風未遠，足資殷鑒。

一本書略分上中下三卷。上卷十一門：城治（故城附）、山水、古蹟、名勝、園第、祠宇、寺觀、陵墓、公廨、街坊（橋附）、井泉。中卷六門：田賦、軍政、建置、政聞（官制附）、掌故、人物。下卷七門：藝文、金石、名人軼事、風俗（遊觀附）、災劫、物產、雜摭。

一本書上卷，博採志乘，參取前人撰述諸書，其有關考據者，必詳加考覈，折衷羣言，間或參附管見，中卷以下，除文獻足徵者，其見聞所及，亦著之篇章，冀備野史之選。

一金陵，伊古帝王建都，羣雄爭戰，夙稱形勝。本書所誌山水，第列名山巨瀆，古蹟名勝，亦就著聞習知者，別擇著錄，更僕難終，恐滋繁冗，其他園第街坊諸門，率多仿此。

一祠祀，古隆崇報，而新令廢黜者多。本書祠宇一門，無論存廢與否，第就志乘所載，習俗供奉者存錄，以詳沿革，其在近代忠義節烈，先賢名臣，並爲撮錄，用誌景仰。

一六朝尊崇釋教。梵宇如林。故唐詩有云。南朝四百八十寺。近可園陳氏有南朝梵刹志。博綜典籍。攷證詳覈。本書寺觀。僅就古寺靈光。近代叢林。識錄什一。藉觀興廢。如欲繁徵博引。請證陳書。

一田賦。關係於國計民生甚大。民國以還。其稅一仍舊制。而征收手續。則與以前迥異。用將沿革錄入。以供衆覽。

一金陵。爲歷來爭戰之場。載在史乘。近日江海防務并重。則軍事研究。尤屬要圖。特輯錄以饗有志軍事學者參考。

一本書比附野史。未敢抗衡志乘。故凡有紀事。習知不必求備。闕文在所必詳。又封疆大政。時局所關。遜清末季。老成謀國。事有可徵。率加采錄。藉資鑑法。

一本書掌故一門。多由故宮博物院文獻館所刊掌故叢編。撮其與南京有關者。上溯宏光。下迄太平天國。輯錄而成。此皆清廷祕笈。外史未詳。又太平天國。建國十有三年。奠都天京。亦越十載。制度文物。有聞必先。惟遜清懸爲禁史。叢編僅有遺文。一代規模。掃地以盡。近人於國內海外。間有搜集太平天國史料。多屬抄本。尙懸刊行。茲編特就太平天國野史。野史於典章文物特詳。所根據爲洪楊紀事。史學雜誌。謂與洪楊類纂史略。皆爲張德堅所著賊情彙纂之變名彙纂。僅抄本未刊。太平天國志。太平天國外紀各書。撮錄政教一斑。以昭創業而導先河。世有同情。願共欣賞。

一 徵文考獻·私家所難·金陵文物大邦·不乏名山鉅著·近江寧蔣氏刊有金陵叢書·桑梓藝文·足資探訪·本書首錄南監史談·繼述志乘沿革·藝林淵藪·文化源流·藉供攷證·大抵於斯邦事變興替之際·三致意焉·

一 本書博採羣書·言皆有本·其轉錄他書·必標明原著·或有不著所出者·則以薈萃羣言·未能盡詳本籍故也·茲將參採各書·另寫目錄·以重導源·而資參證·其他報章選錄·官書報告·在所廣徵·不及備舉·

一 客中故籍凋殘·成書倉猝·遺漏舛誤·在所不免·大雅鴻哲·幸賜糾繩·他山之攻·削簡以竣·

新
京
備
乘

例
言

四

本書參採各書目錄

六朝事蹟類編 宋張敦頤

蕉館紀談 明孔邇修

七修類稿 明郎瑛

長安客話 明蔣一葵

懸笥瑣談 明劉昌

寄園寄所寄

天祿識餘 高士奇

板橋雜記 余澹心

緘菴憶說 王嘉言

西石城風土記 陳慶年

金陵歲時記 潘宗鼎

金陵勝蹟誌 胡祥翰

拙厚園叢稿 黎庶昌

新京備乘

參採各書目錄

秣陵集 陳文述

金陵聞見錄 陳直方

金陵待徵錄 金鼇

金陵瑣事 周暉

蕉窗隨筆

客座贅語 顧起元

白下餘談 劉旂錫

白下瑣言 甘熙

金陵瑣志五種 運漣志 鳳麓小志 東城志 略金陵物產風

土志 南朝梵剎志 陳作霖 附鍾南淮北區域志 陳稻孫

炳燭里談 陳作霖

湘軍志 王闓運

湘軍記 王定安

史外 汪有典

新京備乘 參採各書目錄

鑑撮 曠 敵本

國朝先正事略 李元度

治西雜咏 王孝燧

履園叢話 錢泳

郎潛紀聞 陳康祺

廣陽雜記 劉獻延

茶餘客話 阮葵生

舊聞隨筆 姚永樸

重刊江甯府志 呂燕昭

續纂江寧府志 趙佑宸

同治上江兩縣志 莫祥芝 甘紹盤

太平天國野史 凌善清

太平天國志 李法章

太平天國外紀 英人林利著 孟憲承譯

太平天國文鈔 羅邕 沈祖基

中國鐵路史 曾鯤化

靖江閣集

棲霞山志

江表忠略 陳澹然

江甯金石記 嚴觀

續碑傳集 繆荃孫

明一統志

洪武京城圖志

黃文貞公集 明黃觀

顧亭林先生遺書 顧炎武

因寄軒文集 管同

金陵文鈔 陳作霖

元甯鄉土志 陳作霖

壽藻堂雜存 陳作霖

金陵通紀 陳作霖

金陵通傳 陳作霖

可園文集 陳作霖

可園詩話 陳作霖

夢園叢說 方濬頤

勁草堂筆記 姜繼襄

清代軼事

南洋勸業會游覽志

金陵圖書館善本目錄

南京古物保存所古物說明書 楊鹿鳴

史學雜誌 南京中國史學會

掌故叢編 故宮博物院文獻館

總理奉安實錄 奉安委員會

劉忠誠公集 劉坤一

隨園詩話 袁枚

松窗隨筆

新京備乘

參採各書目錄

荷香館瑣言

帝里人文略

粉檠錄

八指頭陀詩集 釋敬安

新
京
備
乘

參
採
各
書
目
錄

